



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LIX. Gregorii Papae I. Ad Fortvnatvm Episcopvm Neapolitanvm. De
monasterio Gratiosae abbatissae consecrando.

urn:nbn:de:hbz:466:1-15221

velle de causis pauperum definire. Hæc nos & scripsisse meminimus, & scimus nosmetipos, iuuante Domino, a causarum litigiis ecclesiastica moderatione compescere, atque secundum apostolicum illum sensum, *rapinam bonorum nostrorum cum gaudio sustinere.* Sed illud scire vos volumus, taciturnitatem atque patientiam nostram futuris post me pontificibus in rebus pauperum præiudicium non facturam. Vnde & nos explentes supra memoratam promissionem nostram, iam de causis ipsis præuidimus reticendum, nec in his, in quibus minus agi benigne cognouimus, desideramus nos per nosmetipos immiscere negotiis. Sed ne forte ex his coniiciatis, gloria filia, ea quæ ad concordiam pertinent, adhuc nos omnino renuere; filio nostro Cypriano diacono, venienti ad Siciliæ partes, indiximus, vt si quid de his salubriter, & sine peccato animæ vestræ ordinare disponitis, ex nostra auctoritate vobiscum definiat, vt nos non amplius illis vexemur negotiis, quorum cum mansuetudine est dispensandus effectus. Deus autem omnipotens, qui ea quæ omnino impossibilia sunt ad possibilitatem bene nouit infletere, ille vobis aspiret, & causas vestras cum pacis intentione disponere, & pro mercede animæ vestræ, de rebus eis competentibus, huius ecclesiæ consulere pauperibus.

EPISTOLA LIX.

GREGORII PAPÆ I.

AD FORTVNATVM EPISCOPVM NEAPOLITANVM.

De monasterio Gratiostæ abbatissæ consecrando.

Gregorius Fortunato episcopo Neapolitano.

RE LIGIOSIS desideriis sine difficultate præstari decet effectum. Atque ideo Gratiostæ abbatissæ vna cum congregacione sua, oblata petitione, quæ tenetur in subditis, postulauit quod patriciæ recordationis Rustica per ultimum voluntatis suæ arbitrium in ciuitate Neapolitana, in domo propria, in regione Herculensi, in vico in quo Lampadius monasterium ancillarum Dei constituit, sepe liretur; in quo præfatam Gratiostam abbatissam præesse disposuit, simulque & oratorium extruxisse dignoscitur, cui & pro voto suo quatuor vncias totius substantiæ suæ

dimisisse suggessit, quodque in honorem beatæ Mariæ semper virginis, genitricisque Dei, & Domini nostri Iesu Christi desiderauit consecrari. Et ideo, frater carissime, præsenti præceptione dilectionem tuam duximus adhortandam, vt inspecto primitus testamento, si iure subsistat, & easdem quatuor vncias verissime eidem monasterio collatas esse compereris, ad prædictum locum, cum postulauerint, ingrauanter accedas, veneranda solennia dedicationis impendens, vt, quoties necesse fuerit, a presbyteris ecclesiæ in suprascripto loco deseruientibus, celebrentur sacrificia veneranda Missarum, ita vt in eodem monasterio neque fraternitas tua, neque presbyteri, præter diligentiam disciplinæ, aliquid molestiarum inferant. Aut si quid pro diuersorum deuotione commoditatis accesserit, sibi æstimet vendicandum, siue aurum, siue argentum, siue prædium, siue vestimentum, omnibus modis constructio præfata possideat, cum ancillis Dei in eodem loco deseruientibus debeat proficere, quidquid offerri ibidem contigerit.

EPISTOLA LX.

GREGORII PAPÆ I.
AD EUTYCHIVM EPISCOPVM TYNDARITANVM.

De cultoribus idolorum conuertendis.

Gregorius Eutychio episcopo Tyndaritano.

SRIPTA fraternitatis tuæ Benenato ecclesiæ tuæ clericu[m] deferente suscepi, gratiasque omnipotenti Deo retuli, quod in causis animæ, & iis quæ ad Deum pertinent, te occupatum esse cognouimus. Scripsisti siquidem nobis quosdam idolorum cultores, atque Angelorum dogmatis in iis in quibus constitutus es partibus inueniri, de quibus plures afferuisti esse conuersos, aliquos autem potentum nomine atque locorum se qualitate defendere. Auxiliantes igitur bonis tuæ caritatis operibus, viro glorioso praetori Siciliæ nostra scripta transmisimus, quatenus, iuuante Domino, qua potest tibi virtute concurrat, vt quod laudabiliter cœptum est, valeat salubriter adimpleri. Oportet ergo fraternitatem tuam maximam in hoc sollicitudinem gerere. Vere enim episcopalem vitam sequeris, si per zelum